

賭棋山莊所著書

賭棋山莊集

詩七

長樂謝章鋌枚如撰

水仙出見圖爲雪樵題

聞歌屢上鬱金堂曾坐珊瑚七寶牀
清溪邀蔣妹那知暮雨怨吳娘
至今酒癢思長爪何處琴心續斷腸
不遺淩波接羅襪神光離合總荒唐

眞眞竊喚是耶非著力春風寫舞衣
羅列鴛鴦空左顧裴回孔雀已南飛
定知寂寞青楊巷不覺沉吟白板扉
洛浦明珠餘一夢茶煙禪榻鬢毛稀

買舟遊石鼓遇風

冷性如癡雲戀山不忍起晨興出南門鼓棹挹江水軒然大風
來孤篷亂排抵顛危在頃刻性命寄舟子吁嗟溝壑生不如江
湖死破浪且談笑中途吾肯止陽侯舍我去一轉見山趾老佛
雖無言相視若欣喜

白雲堂感舊

黃憲劉楨盡北邙一江春水聚蒼茫停雲高踞垂孤影弱草相
依號斷腸香火誰成千載計酒杯易散百年場昏昏石鼓山前
路九轉離魂置汝旁

東際樓看雲

矗矗千仞松嫋嫋百竿竹濃雲忽東來一白掩衆綠層樓俯清

池開窗風簌簌瀑狂峯容變雨急樵步促寒響滯疎鐘厚陰寒
巨谷時於空濛中隱見辨林屋萬物竦冬心乾坤作秋肅孤燈
炯無影何處幽人宿

雨後過喝水巖歷水雲亭和禮堂韻

溼翠不能收散作溟濛雨小樓苦鬱悶挾蓋去僧宇沈沈靈源
洞聲響閤千古逝泉駕風迴懸崖忽搥鼓怒雲擁衣袂隔面若
無覩但覺四山平甯知彼岸阻偉哉造化心矯變滿靈腑包掃
有神鬼吐棄出塵土譬彼慧業人不作尋常語平生喜登眺欣
賞此難數疊嶂落松陰孤亭坐日午愧無手可揮對此頭屢俯
登釣龍臺

癡龍既睡不復醒斜日蕭蕭一江冷層臺百尺飛塵埃破碎斷
雲弄孤影我將舍此歌遠游秋風日夕吹高樓凭闌對風一長
嘯但見海水滔滔流既不爲萬戶侯又不爲八駟卒衣食依人
眞碌碌絲竿在手欲下不得下寒蛩亂叫笙歌榭江山似此不
稱意登高獨坐漫漫夜

落葉

故人門巷清於水倦客心情嬾似雲昨夜微霜滿平楚層樓哀
雁不堪聞

沈沈烏馭幾時東鴉點蒼茫下遠空莫向門前怨搖落關河無
地不秋風

野燒

亂山黑如漆狂風勁似弩木葉颯然飛火龍當空舞流螢散東西明星聚三五路曲光超蛇石傾燄走虎驟耀琉璃臺旋驚霹靂斧危岑赫當壚凹壑紅剖釜失巢瘦鬼唬投穴駭獸苦煙重逼青天草枯鋪赤土幽穢隱高深蕩滌窺洞府恍疑炎洲仙炙手欲用武曦輪忽倒行窮巖無夜午乾坤有肅殺雲雨失部伍快哉此一炬遙青露眉嫵

苦兵行述流民語

賊來兵似鼠聞賊姓名不敢語賊去兵如虎拔劍民間亂飛舞今日急行二十里明日緩行得半便止急行先賊驅良民緩行

爲賊送行李賊聞兵來賊歡喜將軍樂健兒笑突然富貴皆年少健兒笑百姓哭九死不能保一屋君不見高車大纛飛羽纓嬌歌妙舞催琴箏搜括鎗銖誰敢爭賊至或不死兵至無一生無甯見賊不見兵何況鄉勇更縱橫萬家慘淡無人聲

銷夏雜詩

庭槐百尺葉青葱萬點哀蟬咽晚風君看青山盡低首可憐斜日正當空

白簪堦整赤甲裙紅爐灰劫正紛紛不知何處冰霜手解向人間洗火雲

十年桑海不成潮帝遣雷車下九霄玉女阿香齊發笑大羅天

外正吹簫

斷霞如火照斑斑
鯨鯢來爭碧玉灣
顛倒衣冠受煩惱
夏蟲何處話冰山

洋藥稅

煙進口數百萬銀
出口千億萬銀如土
煙如飯失銀不愁失煙
嘆大臣謀國善持籌
設關權利江之頭
一舟若干箱一關若干
舟半公稅半私抽
坐關之吏肥如牛
吁嗟乎煙如飯銀如土
稅煙歡喜食煙苦
國家究竟終無補
君不見巍巍八座大官
府低頭借銀向夷語

讀穆天子傳

見本一
言一
膠舟何必痛南征八駿猶能萬里行冠劍陸離接王會神仙飄
緲在蓬瀛幾人欲下蒼梧淚後世猶哀黃竹聲便向瑤池見阿
母不知何術與長生

踢韉行

遴毛兼選錢當中貫礪磊兒童三五輩廣場峙魁壘束衣挺瘦
腰結鞵出鍊骹傳觀眉已伸小試氣肯餒發縱仰手投乘機蹶
腳待眼光上下隨風勢東西駭決起鷹窺天側掠鴻戲海橫奔
鷗搶籬低旋雉展彩頂顛佛弄珠肚突將披鎧雙翦拐有聲單
鎗拖匪懈逞奇百計爭失地一聲欵乍墜尙誇雄已負若被醢
救恥巧力加賈餘精神倍拂簷赤仄鏗破空白羽皚彈丸脫宜

僚捷步窮豎亥萬點星芒攢一身汗花飄罰觥彼可酬勇爵某
斯在旁人各驚呼當局勝奏凱跳盪見經緯揮斥棄凡猥自愛
筋骨佳忽愁鬢毛改誰翻鸚鵡洲高足請始隗

謁先康樂公像

南朝山水氣跌宕滿鬢眉忽作永嘉守沈吟祖德詩起衰元亮
後入夢惠連遲寂寂丈人輩生天總可悲

明河曲

昨夜秋風吹畫樓美人含淚樓上頭碧紗銀燭閃妝鏡照見明
河天際流明河水深能幾許烏鵲年年辛苦汝天上猶當怨青
廬人間何處歌白紵盧家百尺鬱金堂小姑獨處悲無郎彈箏

自抱鴛鴦錦開篋深憐翡翠襠鴛鴦翡翠不獨宿子夜重翻舊
時曲此際傷心問璇宮後身何地尋金屋明河冉冉可憐宵銀
燭搖搖暮復朝離恨雙心空織錦多情對面誰吹簫逝水東流
不復返惆悵浮楂問銀漢一樣幽情掩抑多斜月盈盈照天半
悲秋吟 辛酉九月作

天地忽而變態兮日月黯其無色登高望遠而躊躇兮哀百年

於頃刻

解一

山川既以破碎兮路迢迢而莫能止風何爲而狂吹

兮雲陰陰其屢起

解二

喬松憔悴而竟折兮嗟蘭桂其將誰恃鳳

皇逝而千里兮愴燕雀之相視

解三

九疑惆悵其何處兮吾將企

蒼梧而望之斲斑竹而不使牛兮祝二妃之長無恙也

解四

獨立

獨立對秋色西風吹鬢飛關河明遠勢天地逼斜暉小草不成
碧孤禽常苦饑斷雲千萬里回首故人稀

門有車馬客行

門有車馬客意氣若王侯千金買高冠百金裝轡頭登堂鳴佩
玉俯仰矜雙眸一顧主人喜再顧主人愁盤飧愧不豐何以爲
君羞亭臺復不美何以爲君遊功名儻尋常富貴亦易求願君
且須臾坐我百尺樓樓頭清風來白雲天際浮

禽言四首

行不得也哥哥願君莫渡河河中大魚已銷磨小魚偏仄將奈

何苦海少恬波龍門安得過大魚語小魚除死亦無他男停鋤
女停梭一斗米五百多敲門還有吏催科行不得也哥哥頑然
一翁癡然一婆願汝河上且安坐莫再舉手驅蛟鼉

不如歸去我家江田鄉合族一千戶健者龍虓者虎杖如雲拳
如雨開門焚香告我祖我欲率之成勁旅下固吾圉上爲國
家保疆土侃侃而談鬚眉舞父兄曰誠賢子弟曰不然秀才囊
中無一錢乃欲謀計千萬年不如歸去守汝硯田

脫去布袴提付長生庫忍寒沽酒君莫去兄弟相容一尺布脫
布袴漫漫長夜何人顧脫布袴賊來奔走不窘步東鄰無裳西
鄰無衣我雖飽煖將安之吁嗟乎脫卻布袴著絁袴

苦化切 蹺腳

人前矜聲價我欲從之畏笑罵

得過且過衣冠濛濛吹塵堞宣明面人欲唾孝先腹誰敢破君
不見匏瓜虛懸匏顛播中流失船乃奇貨腐儒安知非王佐熱
行不如冷坐濁飽不如清餓一邱之貉牛馬磨得過且過讀書
自課門外秋風多門內青天大

惡樹

茂生非不美蒼蔚亦可虞三徑皆蓬蒿未必幽人娛何來此惡
樹逼迫及庭隅呼童供尋斧根蘖不得餘睠彼天地心並育豈
云殊薰蕕旣異器兵刑有驅除倚樹三太息悲風滿里閭

爲曉峯題東坡遊蹟圖

有引

賭棋山莊集

詩七

七

圖凡四幀黃樓雪堂白鶴峯載酒堂翁覃溪閣學所藏兩峯
羅聘筆也曉峯尊甫蘭卿觀察爲覃溪入室弟子故圖歸於
李辛酉曉峯循故事爲公生日宴時兩浙被寇已經歲驟聞
臨安失守瞻念公宦游之區忽淪灰劫且勢與吾閩迫停杯
綴此勿訝其言與圖不相麗也

蘇隄泣烽火蛟鱷滿西湖我抱脣亡恐公憐足跡無冰霜方歲
暮杯酒及窮途人影各蕭瑟淒然披此圖

將有永安之行贊軒以詩送別賦此答之

君兄川弟視我君視我如兄骨肉有深眷諒我非世情君家競
貴盛春至花爭榮菁華恐屢洩願君善持盈君年少可恃君才

健可驚世途易側目避患在不爭大璞少近色黃鐘無淺聲懷
玉且被褐養晦崇令名烏乎眼中人千里方孤行

贈江駿叔

湜

君家長洲避寇來閩

已是十年思一見每從劉向話高名

余同年炯甫盛稱君

那知烽火流離

後忽有雲龍上下情天地儻容吾輩活文章肯傍古人行蕭蕭

江水圍孤榻

君今年寄跡螺洲

遙夜應難百感平

答禮堂

饑驅事奔走扁舟復西發不惜道途艱但覺鬚眉劣萬物方蕭
條勞生亦何說獨懸一片心對此千秋月平生梁伯鸞青眼喜
傲兀一官都門歸閉戶謝于謁世人雖驚怪抱素少所缺把酒

薦幽蘭讀書循華髮中夜自蒼茫不寐望瑤闕真氣無雕鐫深
情窮宵忽五載愧相知吾道各迂拙長聚豈不歡言別何倉卒
茲行過劍津憶君神龍掇離合固難知英華肯銷歇持此報故
人庶幾慰契闊

招翁蕙卿

時釋

飲君有詩贈別卽席賦答

平生多私懷不敢識時彥俯仰自蒼茫頗覺文章賤聞君已十
年見君渺數面驟合非吾徒神交未忍倦明月滿空庭孤星時
隱見男兒萬里心何必戀鄉縣所嗟樽酒竭無以敘欣讌出門
頻看天去鳥疾於電

雨間過石翁園懷筠川

園本曹能始先生別業筠川購而葺之未落成而筠川之官
瓊州歿竟不獲一日居悲夫

一官千里痛招魂斜日青山獨閉門亂世無端乞升斗他鄉應
戀此邱園泠泠野水流幽徑黯黯寒梅墜斷垣難得百年風雅
地飄零樽酒爲誰論

芭川兒子移居石倉園是日出芭川遺像相視愴成一律
佳兒愁視我回首爲吞聲恍見精靈在從之跌宕行早宜焚筆
硯何處訴生平待到九原日相逢儻有情

園關遇鄉人

挂帆十三幅風勁舟如矢逆流不敢壓俄頃卽百里語言雜異

縣川呶方震耳忽聞故鄉音相視各欣喜登堂作清談慰我詢
行止好山在家鄉茲土已不美從茲更西行亂石森若齒山荒
草木頑地僻衣冠鄙盜賊況紛紜白晝驚行李豈真守邱園無
以資生理慚愧謝故人吾行非得已下階自歎息登舟悲風起
難行作

水氣壓孤蓬兩山變顏色白日竟無光溪流忽純黑瀕洞暄怒
雷一葉任顛側頑石森奇鬼攫拏猛相逼高若挺身來低如奮
拳扼厥口張嗟呀利齒誰敢塞顧後已失前趨南反望北到此
魂搖搖聞之意惻惻長年登柁樓心手早相得宛轉蟻穿珠千
篙迸一刻頓覺天地寬暗誦神靈德用水與水爭安危信難測

冊蛇灘

爲蛇不爲龍此石甯非錯諒無頭角奇但助風波惡夜光詎有

珠英靈欲拏攫雷電忽崩騰之而驟傾削

數年前雷起擊碎蛇領

猶怪豐

隆慈未能遂銷鑠吾將遵帝心鞭之付寥廓溶溶一水清緩緩

棹歌作

稱鉤灘

大衡世不用棄置付流水輕重誰竊操出入少定理曲鉤方東
來巨鍾又西起弄權在頃刻過者迭生死篙師藉水威平生水
知已累黍不參差孤帆遂安喜瞻念秉釣人持平亦無幾江河
方日下嗚咽聲未已

泊延平

雙水奔流合環山拱衛明樓臺森峭壁舟楫簇孤城地險宜名將財艱泣老兵頻年驚竊發形勢忍無爭

青州聞事感作

沙勇屢虐民民憤與鬪勇敗有死者逃歸官官登堂泣諭始散

喪亂經十年郡縣少積貯養兵耗其三招勇費其五兵狡過於狐勇頑勝於虎狐噪虎跳擇人食血肉淋漓民似鼠將軍畏賊去召兵失兵伍縣官避賊來愛勇與勇語謂民恤勇勇辛苦勇入門民心懼勇出門民心怒不顧身與家不惜肱與股萬鼠斷

斷齧一虎虎亦倉皇竄無所縣官登堂淚如雨吁嗟乎既食虎
之肉將寢狐之皮昔民似鼠今似獮持刀白晝相酣嬉太平欲
致將何時

錦帆

簫鼓錦帆低行人淚眼淒未曾逢乳虎便似赦金雞得寶歌爭
唱焚巢計孰齊大官騎馬出不敢過溪西

威化限城郭登堂顧盼雄猶疑奸宄輩不礙盛平風寬大情無
極才頑計自窮那知忽奔突烽火逼門紅

莘口書所聞

賊過莘口虜淫婦女將去視色高下懸價令民贖不贖者死

百雄共一雌求死苦不速夫堵念舊恩賣田兼賣屋世亂天地
偏財多性命感雖無千金姿敢惜百金贖歸來委空牀轉面避
人哭今者賤如泥昔者貴如玉

到大嶺

山勢圓如甌溪聲急似春詩情逐日淡鄉思入燈濃那得嶽寄
地爲開磊落胸腰間劍氣盡變化愧長龍

見燕

畫梁回首總啼饑忽向天涯逐隊飛一片斜陽寒似水風塵憔悴
滿烏衣

旅居踟躕不堪今日得一尺地可以安硯欣然作此

今日此靜坐幽窗始覺明閒雲窺岫入流水出灘平筆墨續生
氣雞蟲謝俗情離家一百日安枕夢方成

憶內

昔在霍童下曾爲寄內詩盛年猶慷慨不肯說相思老至鄉心
重時艱食指疲深閨應有淚暗數寄書期

獨客

獨客頻搔首荒山此斷腸妖蛇探穴勇餓虎渡溪狂夏日疑無
午重綿尙覺涼依然生計絀何事戀他鄉

開臺灣警感作

有引

四方經亂粒米不及閩近日飛輓專資臺海然已岌岌不支

矣忽聞彰化失守噫聞人其爲枯魚之索也夫

海嶠神倉在泉山尙苦饑忽聞此傳箭那得不沾衣水濁蛟鼉
健林深虎豹肥何方赤松子辟穀與相依

聞事感頌

新政煌煌

詔傳聞到海湄

聰明天子德

刑賞中

興基民困已如此風清定有時諸公須努力報答愛鬚眉

踴躍思投筆風塵未拂衣四方如可效一死未爲稀撫首中年
迫關心天下肥亂山殘水處何事苦嘸饑

答諸君子見懷之作

昨夢釣龍臺上行危途百轉不能平輕波淦淦魚兒舞廢閣蕭

蕭燕子鳴未必青氍留故物再難紅粉識多情殘羹冷炙少年
地見汝無人涕淚明

星邨

照鏡當年美丈夫鬢髮猶足媚羅敷梨花開處詩自詠海鶴歸
來夢乍蘇末路頗遭俗眼白中年頓覺寸心孤玉臺盡日催薪
米尙有珊瑚架筆無

雲汀

吏部文章古有人千秋崛起與傳薪虛堂刮目看明月獨夜焚
香禮北辰一第何榮宜濟世百家不朽在求真他年手著輜軒
錄綺靡齊梁愧後塵

禮堂

慚無言語答垂青乞米艱危此屢經斷海風迴流水曲後車酒
冷子雲亭卽今衰鬢驚斜日未必前生是大星彈鋏偶然思一

飽溪魚不及海魚腥

子翊

老鳳飄零雛鳳寒
丹山竹實未團圓
樂勞生輾轉虛三窟
小就蹉

跼設一官名士何曾
皆畫餅少年有待
且加餐交情捧袂思羣

紀自愧同舟共濟難

洛觀子近隨尊甫亨齋先生
之永安聯榻縱談二十餘日

阿戎兀兀近人豪
明燭登樓看寶刀
頗怪鬚眉淹歲月
偶從肝

膽出風騷
兢兢門第心逾苦
惓惓朋交意獨勞
願汝垂簾抱蘭

芷銷愁時一對醇醪

賀軒

雁

毒霧盲風何處鄉
夢魂夜夜繞瀟湘
爲誰辛苦通書札
誤汝飄零是稻粱
有恨關山添病
翻無情天地况斜陽
回頭如雪蘆花

裏安穩池鵝雙掌黃

野性最宜雲水鄉孤飛不必逐鴛鴦
竭來遠道聲何苦昨夜秋風天已霜
世外何心更弓矢人間自古有炎涼
玉關紫塞相思甚北鄉猶憐筋骨強

大嶺病中作

同治紀元秋謝子邁瘡疾空洞七尺軀
魂魄恣出入祝融踞我腹元冥喪厥職
鬱悶故有爭戰場在肝鬲薄寒方擁絮
惡熱欲滴血牀席何寡恩輾轉不能息
救患無良方慰藉亦何益人靜一燈幽
思鄉萬感積

在客易爲親同事若兄弟是時各抱恙
哀呻淒以厲我讀神農

書頗知刀圭劑忍病爲之醫差覺無乖戾霍然六七日起者相
次第我病亦若失執手喜欲涕沈疴雖我逼餘事幸人濟平生
萬物心尺寸且自勵

大嶺一荒村去縣百餘里求藥不得藥藥至病不起以此謝故
人買舟吾歸矣相送八九人或嘆或欣喜嘆者惜予去喜者謂
余是嗟余混雜驚爭食已可鄙況復家書來空厨苦薪米皇皇
憂瘴癘汲汲顧妻子平生爲男兒齷齪乃如此

永安至沙縣作

老兵二十人一葉相逼處我病未能興屈伏如通風青天無點
雲炎歊日方午低篷壓人氣薰蒸不得語老兵卻企腳歡笑相

爾汝樂哉阿芙蓉挑燈相對煮不信毒藥毒能忘苦途苦

十里城頭灘出沒懼豺虎我舟忽擁沙百夫不能舉艖淺已礙
石水多將沒艖終夜防剽掠長年忘辛苦初日照林端窺伺忽
三五老兵抱刀立面色若黃土揮手急開船猶見賊目努舟行
倏已遠賊亦舍我去賊意我已知腐儒不足取

送星邨之皖省兄

百計都難就君今竟遠行輕霜上鬢白殘月到門明囊橐少餘
物淮徐正苦兵殷勤慰辛苦遙想弟兄情

門戶艱危意乾坤慘澹時疏慵難入俗排遣可無詩舊好惟君
在多愁先我衰沉吟共歧路落落斷雲移

賄棋山莊集

詩七

圭

星邨既行夙好殆盡饑席感懷不覺其言之屢也

二劉兄弟驚俱盡

芑川死事臺灣
筠川卒官瓊州

不見黃

崑何
崑何難蘇州

更愴神

顧影淒涼吾與子側身天地彼何人殘宵苦雨離離淚絕海奔

濤滾滾塵三十年來一尊酒暫時相對敢辭貧

贈魏子安

秀仁

一代才名魏子安奇書百輩快傳觀如何長向風塵下不遺文

章付寫官

題贊軒非半室詩集

終朝苦雨低頭坐四鼓開門月滿天萬籟銷沉宜獨立晚花淡
定有孤妍熱腸在世濃於酒詩卷題名冷似煙忽憶懷藤舊吟

館當年兀兀兩吟肩

七夕寄子安

杼柚何因唱大東
蕭疏星月暗寒空
天孫自抱支機石
不管人間雨又風

洗車何意竟滂沱
孤負秋雲薄似羅
借問九張機畔錦
折枝花樣近如何

賭棋山莊集

詩七終

賭棋山莊集

詩八

長樂謝章

留別魏子安

張劉俱盡後，破涕忽逢君。茅屋十年月，琴臺一片雲。

子安前年自蜀歸

得歸同養拙，此去忍離羣。寸管猶餘熱，登堂憶論文。

所恨非年少，平生缺憾多。何方堪負米，近日少狂歌。試問他山石，誰迴滄海波。冰心貯熱血，噴勃待如何。

渡海

微風習習水瀾瀾，一日一夜三千里。從來渡海無此快，說與旁人皆驚喜。人生萬事偶然耳，我獨何爲行至此。此去蓬萊亦無

幾尙欲跨黿謁仙子魚龍怵服不敢起詩筆遙向南天指

孤花

一點芳心尙未殘亭亭獨立俯雕闌金鈴十萬春如海忽覺人
間位置難

望月

忽然嘲笑到銀蟾斂采韜光我亦嫌玉宇瓊樓少顏色嫦娥未
必勝無鹽

韻南雜詩

江東烽火滿危橋

江東橋在漳州

都轉風流剩酒瓢知守齋頭芳草歇

奔波誰與念松寥

知守齋爲龍溪鄭都轉雲麓吟詩處都轉素善張亨甫亨甫遊嶺南都轉視之極其厚亨甫

自號愚
寥山人

三家最勝屈翁山

大後起無如宋芷灣

湘

更有桐華老詞客

吳石

華心香焚徧鷓鴣斑

孟塗

劉

慷慨賦高軒卻有尙書聽直言一瞬南園三十載海濱

消長幾潮痕

孟塗桐城人遊嶺南上書於廣督蔣攸鈺言利弊蔣喜而厚贈之

粵秀芝蘭費校量圖經百卷認丹黃張侯

楊菴

去後陳侯

恭甫

出絳

帳巍巍學海堂

楊菴任香山鶴山有德政能造士廣志曾經恭甫參定二君皆閩人

香山臨發呈家叔秋槎

玉漢

臣叔衙參鬢已絲阿咸奔走亦身疲封胡羯末應誰是鐘鼎山

林未可知相見屢爲歸隱約得閒且作愛民詩一枝更向臨歧

賭棋山莊集

詩八

二

寫想到青梅結子時

家叔出詩數卷屬爲點定中頗及時事臨行並寫墨梅相贈時家叔尙未得子

江岸芭蕉萬本破碎可憎

園林愛綠陰種蕉待泥滑夕陽媚東牆培根不忍撥茲地何繁
生蕪穢接遼闊西風萬葉殘鬚如鬼髮結實空累累豈眞濟
饑渴暮雲慘不舒怒潮恣相齧美人儻千百相待目肯刮物以
罕見珍此意向誰發

舟行書所見

微雨三兩點碎雲千萬片我舟坐虛空赴流疾於箭長年作鳬
游滅頂時隱見偶復牽纜行斜陽挂一練忽覺遠山青獨立露
眞面靜女自素衣綺羅不知豔感此息塵心萬慮付泡電開窗

指農圃秀氣積芳甸

巡船嘆

船首樹高旗船身列巨礮前書某某縣次第編名號當風袒短
衣避日岸高帽芙蓉煙烘蒸椰漿酒爭鬧快哉巡船兵屨中而
豐貌屠屠十百人或云禦強暴昨聞澳門鎮被劫已屢報有官
遭束縛赤體委泥淖當局長太息此輩如虎豹幸保身命存誰
敢財物校緝盜張虛聲煌煌下文教巡兵笑且歌鳴金一舉棹
珠江感作

素馨黯黯雜蟲沙身在花田不見花惆悵河南今夜月珠娘桑

海樓無家

夷警寇氛相間作珠江倡家流離萬狀
近復困於潮勇蓋風景大異從前矣

賭棋山莊集

詩八

三

五虎聽舟人話寇警

虎豹雄難恃魚龍夢未醒
千軍尙旁午一葉此零丁
出險潮痕緩依山日色青
十年兵火地猶覺海風腥

題翁莘夫

時農

獨立圖

昨讀正則詩

莘夫詩名

今見獨立圖詩人自古貴離俗紛紛噲伍吾

非吾蒼茫誰與訴懷抱擲筆散花滿晴昊
放眼要知四海寬致身台向千秋早
君家昆季皆奇才蕙卿忽爾委蒿萊閉門風雨
且高咏廣陵未絕胡爲哀溪水奔騰海水急
魚龍歡喜雁鴻泣捲卷還君有所思
偈仄人間何處立

時方苦大水

爲翁蟬仙

炳南

題蘇長公墨梅

今年梅花盛開時天風吹我海之湄閨月歸來對花立花已凋
謝空繁枝回頭忽見東坡畫如讀孤山處士詩東坡平生愛畫
竹琅玕可抵花豬肉墨池潑水復爲此槎枒相對驚吾俗錢塘
詞客高齋公昔日愛畫知宗風謂余畫梅有神理亂而不亂乃
爲工此畫蕭疎真無匹鬱勃幽香滿虛室明月不知幾時有紙
上霜氣低昂出盤根錯節付天心風骨稜稜視此筆蟬仙讀書
百尺樓前年我登樓上頭空庭亦種雙梅樹殆與此畫爭風流
畫之種之偶然耳巡檐一笑嚴寒裏未敢唐突到坡公竊附梅
花作知己

余友高文樵工花卉嘗謂余畫梅須
用意橫斜二字亂而不亂乃爲工也

猛虎謠

大虎嘯小虎跳
佞鬼嘵且笑手捧虎頭知虎竅

解一

黑虎主財白

虎主兵以兵爲戲財爲生黃塵漲天虎不驚

解二

一虎二虎已殺

汝三虎四虎欲避無所虎目努虎爪舞倒地鬪體十十五五

解三

左右雙頭蛇右有九尾狐狐狡蛇毒虎何愚衆人逐虎虎負嵎

虎乎胡不爲騶虞

解四

題黃九煙

周星

集後

蘭芷不芳已千載九疑雲雨悲眞宰黃公崛起讀離騷把臂靈

均出桑海烈皇被髮上釣天辛苦宵衣十七年幾輩榜花書淡

墨何人大樹畫淺煙黃巾白梔紛流涕苦李枝高壓門第鉅鎮

告身歸命侯孱王閨位奈何帝銀魚金碗委山邱汗漫安能更

九州閨風殿下萬言策白玉樓中五月秋飄零且看揚州月燕
子春燈夢瑤闕法曲猶彈得寶歌新詩久痛無家別神仙才子
半荒唐萬事蒼天付渺茫牛馬隨人充下走芙蓉無地禮東皇
青蠅作客供憑弔黃鶴相逢莫嘲笑偶傳六義向秋波見尤西堂集
可有一戈揮夕照南國是時總可哀羣公聲價鳳皇臺譙周家
世修降表庾信關山逞賦才白下登高獨回首斑斑竹子湘江
口三戶銷沉博浪椎一癡爛醉蘭陵酒蕭疎華髮忽心驚老死
何顏入九京願從陳繼稱同調懷宗凶問至陳繼新拔石投龍淵寺門潭中不逐歸
莊浪得名歸莊國變後屢易名以遺老終墓銘手寫歸何處解脫應騎箕尾去
北渚風淒弔屈辰西堂夢冷傷嵇句平生嫚罵眼誰青芻狗幽

齋一客星且署頭銜前進士忍拋腳色小朝廷

南都徵黃

素冠

永謝流離子七十二湖清若此

九煙晚居湖州

宋玉重來賦大招彭咸

相見應狂喜崛健人閒略似人

九煙自號略似人

百年養士有孤臣騷

魂鳴咽指薇蕨話罷庚寅話甲申

國朝既定鼎岩壑遺老多有求仕者或作俚句云西山

薇蕨喫精光一陣夷齊下首陽

漁螺曲

賣魚者所吹以召集漁人也

大魚醃鹽小魚膾魚館今年起魚稅昨日磨心塔今日管頭山

漁船窄窄魚螺彎彎魚螺尙可吹窄窄魚船江之隈賣魚買

酒不成醉嗚嗚咽咽將何爲江水青海水碧海有鰕江有鯽三

月南風柔烹魚剩魚頭九月北風利捕魚失魚翅水何肥魚何
瘦金鈴花開小於豆老漁獨立雙髻蒼吹螺百徧日無光魚館
門前天降霜

包村行

有序

包立身諸暨包村農也咸豐十一年十一月賊陷諸暨浙東
西郡縣多不守立身慷慨倡義部署有法遠近附之不下十
餘萬人屢敗賊賊大恚賊既陷甯波杭州同治元年三月遂
由富陽攻包村環營數十里立身屹立不挫相持八九月殺
賊無算會夏旱汲道糧道俱絕於賊闔村舐糠飲血十餘萬
人無一降者七月朔賊從隧道攻之村陷立身率妹美英及

親軍數千人死戰至馬面山賊圍之數匝立身中礮死美英
手刃數人遂自刎立身父建勳母虞氏嫂任氏王氏妻虞氏
等十五人包村男女官紳殉難者計一萬四千七十七人

松柏出培塿孤青照天地男子包立身

皇帝識名字生爲

包村農死是大清鬼有妹曰美英忠義亦同軌咸豐十一年髮
匪不知幾揚帆下浙江郡縣皆殘毀立身聞之怒搥牀三四起
不解大老官喪敗何乃爾阿父語阿兒兒當爲 國死阿妹語
阿兄從賊妹所恥豎我青布旗脫我紅絲履揮我田間鋤閉我
山邊壘一十餘萬人再生大歡喜髮匪于于來烹牛更徵米揚
厯數十村坦道平如砥立身獨慷慨冷笑不之理登高忽大呼

勢若虎攫豕失聲無巨礮失刃無長矢髮匪各貽聘貽聘更相
視不謂金湯城乃在包村裏包村信難攻退舍姑且止請待眾
力齊朝食而滅此陰風吹孤雲天色黃又紫魚鼈巢浮屍昂首
出江汜杭州一朝陷富陽城亦圯紅巾匝諸暨列營數百里髮
匪指包村游魂在釜底立身益從容死守力相抵支持八九月
雄心貫賊耳求糧不得糧求水不得水餽糧當饗飧飲血當甘
旨骨肉見無期泉路重依倚全此清白身持以報 天子阿

兒語阿父兒眞爲 國死阿兄語阿妹妹今何所恥斷我嚴顏
頭折我常山齒剖我姜維膽斬我南八指一萬五千人就義大
歡喜百尺馬面山骸髹雜荆杞提刀一盪決當者皆披靡有賊

忽墜馬辟易蹶其趾礮火熱自佳劍光冷無比浩蕩天門開拍
手吾歸矣同治建元秋七月猶可紀厥後二年餘封疆有大吏
收復奏膚功節義搜崇異大書包立身類書及女士稽首告

九重五雲捧姓氏培塿何卑卑松柏何嶷嶷包村隧道旁碧

血培蘭芷

金烈婦歌

有序

烈婦姓李氏象山人年十七歸慈谿金某且三年矣金故業
魚傭海上恆數月不回姑龔性淫穢故與湯某狎湯窺烈婦
色豔之謀於龔且許以賂龔貪其利且恐失湯歡也誘婦婦
弗從強之斷一指以示決龔憤裸撻之終不屈乃密置地窖

令婦赤身跣足處其中其中實以瓦礫上覆以木僅露首絙
鐵繫其頸設破甑於旁使一手可掬食者已乃烙鐵使赤日
夕燂之自五月以至八月糜無完膚而志不爲動八月十四
謀以沸湯沃殺婦適有鄰媪來知其謀爲哀免之會天陰欲
雨雷聲隆隆然作龔懼乃止異日媪以語其鄰鄰人固疑之
旣知其實開而入室出婦於窖則蟲出於身奄然殆矣尙能
言乃浴而衣之昇之以鳴於官逾時婦死

雷公轟轟搗天鼓土伯鬚鬚不敢取金家烈婦李家女

解一十七

象山來三年慈溪許夫婿遠行婦獨處

解二

堂上有威姑威姑善

用武雄狐綏綏相爾汝贈婦明珠與婦語

解三

婦心驚姑心許望

郎不歸淚如雨抽刀斷指忘酸楚

四解

雄狐伺婦如伺鼠威姑縛

婦如縛虎裸身投地害生人入黃土八月酸風損眉嫵

五解

鐵烘

烘烙婦乳瓦稜稜刺婦股婦頭可斷不可俯婦肉作糜飼饑蛆

鄰媪聞之痛哭告官府

六解

薦之錦衾坐之堂廡雷聲漸隱鬼聲

苦婦目漸瞑人目努堅貞既少雙從容亦無伍金烈婦真千古

七解

春陰

修禊曾登李白臺霍童積翠長新苔天低漸換冰霜氣地曠能容草木才人世蒼茫隨醉夢溪山慘淡足塵埃夕烽怪底無情物竟逐春雲一色來

沉吟獨坐一燈紅十里春城宿霧同
冷翠低侵如意草幽情寒絮可憐蟲
星辰寂寞歸天上雷雨遲疑出地中
莫管海棠易憔悴初陽正好破矇矓

題子安所著書後

夥哉石經考煌煌美而備排比舉千年刮摩極一字亭林雖大儒奪席不敢異

石經考

詩史一筆兼孤憤固無兩扁舟養羈魂亂離憶疇曩匪惟大事記變風此其響

陔南山館詩話

有淚無地灑都付管城子醇酒與婦人末路乃如此獨抱一片心不生亦不死

花月痕小說

病後重裱芭川詩卷感作

一病竟如此千秋未可知幸生護遺墨垂死念交期天地漸清
肅平生歷險巇十年在懷袖有字總銜悲

陳彥士

文淵

出簾囑作贈言意甚懇切書此與之

離愁黯黯上秋陰偶倚狂歌寫素襟願要三分留腐氣最難一
寸養初心花如看影終嫌假水到無聲始見深莫羨箏琶作繁
響海山遙聽伯牙琴

二孺詞章享盛名暢園著述總人情名山到眼真無數覺岸回
頭儻自明傳世有心爭遠近窮途著力愛生平驚駭戀棧吾滋
愧掣電終當萬里行

二孺暢園
皆君先德

建甯雜詩

布帳無恙水盈盈好月當空分外明桂子香中對尊酒紅燈萬

點擁山城

是日適遇中秋建俗燃燈略似上元

削壁誰題黃絹碑仙人拍掌問歸期幔亭一宴無消息寂寞生

天許子規

許秋史賡嶂以人在子規聲裏瘦句得名稱為許子規後以修武夷志悉歷諸峯墜仙人掌崖下死

鄭公墨瀋滿人間俯視浮名若等閒廿載太平菴上坐眼前隨

意作溪山

鄭修樓天爵工書晚年畫境尤進為人蕭然寡欲

鈍村貫穿徹三千大謝身居俎豆邊一樣飄零付塵土容臺誰

數萬家箋

閩縣林鈍村一桂候官謝旬男震甌甯萬虞亭世美俱精禮學鈍村有長編旬男有案語虞亭有萬氏禮

箋今其書率不傳近所刻旬男禮案出於後人掇拾非其至也

賭棋山莊集

詩八

十

大埕角

微徑淩荒溪叢莽與迴護宿鳥出故林晨蘭媚清露離離數間
屋中有最高樹流香方作花秋光爲之聚丹崖間翠壑神仙儻
一遇石泉愜幽聽山容變朝暮出門已千里夙駕問前路

臨江嶺遇風

長途從此隔鄉關漸覺煙塵損素顏天恐出山太容易好風撲
面欲吹還

登夕陽寺

寺有僧蛻一具彼教皆稱活佛長毛過此刀傷其肩

交松疊層陰一徑墜寒碧登階淩絕頂浮圖倚峭壁孔道習周

旋山僧禮數急室漲雲亂奔風狂樹能揖誰言涅槃人不壞眞
如昔黃巾動地來巨刃嗟已及我欲付茶毘四大空形跡門外
多津梁枯坐亦何益

浦城

祖詠門庭已草萊

舫齋尚書

梁鴻賃廡幾池臺

芷鄰中丞

干戈蕭瑟才華

盡夢筆山前賦別來

漁梁見垂柳一株搖搖然殊深別思

溪涵宿霧深門挹清波冷筍輿臨滑徑碎步未敢遲行行去故
鄉回頭心屢警倚閭髮已疎繞膝情尤永登高望白雲頓隔青
山影無田安得歸有羹庶可請誰憐道旁柳蕭蕭弄秋暝

五顯嶺

唐詩人李頻治閩有聲後人爲之立廟 國朝旣平江浙阮

大鍼導大兵入閩死於此

防亂留都隱百憂斯人遺臭肯千秋若論文采猶名輩何事簪
纓愧勝流得志穢難前史洗誅奸功應此山酬寒泉秋菊低頭
處拂拂靈旗李建州

仙霞嶺

重關扼孤原萬階躡層嶂山勢抱游龍牙角屹相向振衣俯危
闕縱觀遂幽暢踰峻天漸低堂虛雲爭漲閩地足山溪封疆所
倚仗千重如褭繭巖局猶疊障頗聞咸豐年笙歌此列帳賊從

問道來萬夫色惆悵舉家登鬼錄焚餘不得葬至今南浦城青
燐大益盎乃知古設險控馭資良將誰言籌邊樓風雲定無恙
肅肅孤雁征淒淒荒雞唱願言念金湯莫恃神靈相嶺有關帝廟屢著神異云

出關

別夢何須論短長出關前路更蒼茫且將百轉千回意託與山
靈寄故鄉

江郎石謠

三里楊姑嶺五里江郎石迢遞隔仙霞何以永朝夕我欲投黃
金我欲禮白璧買姑機上絲乞郎夢中筆

清湖舟中

舟小不容人溪淺但餘線篙師努力行辛苦滿顏面旁有高年
人惻惻指芳甸前年旣憂兵今年復憂旱不雨已百日禦冬詎
無患所恃綢繆深江山庶清晏匹夫戀室家長官愛郡縣蹉彼
澤中鴻哀我梁上燕

嬌女吟

花好畏人摘女嬌畏人看無語儻相憐有名不忍喚莫梳頭上
髮心與髮俱短莫澣身中衣淚與衣俱滿素月易圓缺秋風變
昏旦吾歌嬌女詩撫枕再三歎

寄贊軒

藥石紛投日妻孥聚泣時君情深似海我命薄如絲忍淚聊相

慰更生亦自奇十年非半室

贊軒齋名

尊酒續交期

遠別數千里相思十二時艱危門戶計愼重雨風詩氣斂能辭
謗才雄莫愛奇清輝還共照對月兩心知

江上望釣臺

細雨點秋波富春江上過寥天幾星斗濁世有干戈高節如君
少新詩此處多低徊無一語倚枕聽漁歌

朱鳥原無味冬青可有枝層臺空痛哭塊肉竟何之苦日常銜
石餘生比斷絲淒涼竹如意未必爲恩私

書杜詩箋注後

錢蒙叟此注有盛名其實瑕瑜參半考證史事時有一得若典故則好引雜說殊多杌隉不安卽如王母畫下雲旗翻此王母自是西王母不獨與雲旗字相生且見元都壇精靈聚會惘恍迷離之致今指爲鳥名則全失語妙矣又黃河十月冰此冰字自是冰凍之冰今以左傳執冰而踞釋之謂以箭筈取飲不獨迂曲費解亦不辭矣且赤羽千夫膳承上善射言其射可供千軍之膳也此句承上舞劍言其劍鋒所及冷於黃河十月之冰也蒙叟乃謂此二句不帖上文殆未審乎聊舉一二以諗讀者

麻鞋痛哭奔行在領袖飛揚接兩朝向暖向寒各滋味騷魂何

用草堂招

蒙叟既歸順改造平日衣服袖改而領未及改其門生見之日公真可謂兩朝領袖

讀書萬卷得精神醞釀英華不患貧肯學後來搜隱僻一生孤

穴作詩人

嚴州歎

我問桐廬江遂買嚴州船船師頓足無別語只說嚴州人可憐
荒城四開塞狐鬼青苔白骨相牽連當時大舟有千百亂後小
舟亦難得我舟已爲賊所踞潛逃遠向荒江側妻兒垂死溝壑
填性命幸全煙波隔縣官孤坐百姓少至今嚴州失顏色君不
見子陵祠堂高出雲此中空洞無分文雖無所貪賊不舍萬手
舉火釣臺焚吁嗟乎釣臺蕭瑟尙被焚門巷人家何足云

聞家堰大霧

侵晨開窗失南北水綠山青變一白長年垂手不敢發大霧頓
使乾坤窄昨夜雨聲點孤篷歡喜秋波添幾尺欲行不行忽如
此人生萬事隨消息江神有意似留我名山著書知我適未能
移家江上住遷延俄頃復何益天半鯉魚風已多山中元豹身
猶澤我謝江神吾去矣初日窺人滿林隙

過武林門外感念文樵

可憐無計戀煙霞酒後填詞苦憶家尙有飄零小兒女西風葛
帔怨啼鴉

班妹才華李月田

或樵夫人

題詩兀兀出人前鹿車無地謀偕隱何

處秋墳薦紙錢

杭州雜詩

慘綠溪山七里瀧
布帆安穩挂秋江
風斜雨細羊裘暖
人與鷗鷺共一艖

黃金解鑄護花鈴
何必移家向渺溟
吳越中間能幾許
扁舟三載語兒亭

文章黃柳各名家
正則淵源邁永嘉
未必震川用歐法
風流不讓宋金華

揚花才調值千金
擁鼻曾聞湖上吟
酒後解爲耆舊語
百年風月未銷沉

黃十硯西湖詩有至今耆舊無新語風月銷沉四百年句

大宗蒙拾享高名未必譚詩免世情不讀閩川名士傳魏書附

會到榕城

杭大宗榕城詩話中引魏書多失實

精舍何時再謁經秋山顧影太始潺能詩近日推譚峭我爲徐

陵憶客星

謂譚仲修獻仲修佐徐壽蘅學使校閱頗叶士論所著復堂詩詞亦入格近聞其爲謁經精舍監院

途中書所見

瓦礫如山高接天敗竈昏黑無人煙淒風苦雨野草外竄狐走
鼠頽垣邊南浦秋波照荆杞轉眼姑蘇已千里可憐地下總蕭
條不識人間幾生死忽想國家全盛時池臺歌舞方酣嬉估
客張燈白紵曲才人洗硯青雲詩禍敗相乘何其速萬力不能
保一屋大官旣走小官隨新鬼遙牽舊鬼哭天道蒼茫未可求

功名造化誰封侯吾昏不測風雲意俗敝何心山水游

烏鎮對月視郭鹿泉

落

不知今夜月曾否故鄉明已苦別離夢況聞淩楚聲行嫌加漿
緩病望得醫輕渺渺苕溪水孤燈百感生

王江涇弔張襄愍

恩怨中朝總不平文章勲業枉崢嶸那知血戰王江上牽率椒

山享盛名

子舊題襄愍集後有勲業
先俞戚文章近李何句

寄禮堂詢其近著

往者梅崖叟能爲一代文數篇如朗月萬事總浮雲此道今垂
絕斯人迴不羣明年燕市雪開篋儻相聞

蘇州弔何松亭

承元

松亭以大挑需次姑蘇未補官洪逆之亂有勸之走者君曰
存孤耳死我分也寇至同舍盡散或挽君君撒手閉門自經
而絕君長身卓立顧盼甚偉善刻竹摹印刀削日在手性落
落不與俗伍芑川著酒七人詩以君居首今七人半登鬼籙
矣

昂藏八尺此捐軀生死分明古丈夫何必虛名爭守土但餘後
望在存孤衣冠落拓豪情減竹石銷磨宦興麤地下劉伶儻相
見酒人幾輩共黃壚

懷敬叔

穀叔長洲人有伏散堂集今年歿於杭松尚未歸病棘自作
輓聯云天賦清才不登中壽詩追變雅自許古人嗚呼可想
見其梗概矣

穀叔淡蕩人吟詩愛幽僻當其得意時三公不與易屈縛就小

官羣咻損靜癖淒淒志哀篇

穀叔有志哀篇紀
遇亂事語極沉痛

墜地定爲碧生

人趣已盡舉步無咫尺猶想憂患多庶幾年壽益冰炭在肝腸

血肉豈金石未大身後名已奪長生籍持論非不偏

穀叔極嘗
明七子與

余不孤行自成迹有誰劍頭炊能此蠶叢闢身世虞仲荆文章

黃魯直風雨泣蘇臺何處問窰窰

贈丁馥棠

士悌

表弟

轉眼繁華萬事非相逢話舊欲沾衣外家門第煙雲散阿舅頭
顱霜雪飛兩地瓜分艱遠計一官匏繫少生機飄零餘我還千
里索米長安正苦饑

遊獅子林

林爲倪迂所置有盛名地縱橫不及數丈而巖洞向背委曲
盡致其大勢縮橫爲直用層累不用鋪排

故人黃肖巖胸中擅邱壑每言獅子林位置殊不惡有記四百
言秀如柳州作我今洗眼來入門亦欣愕吳地愛繁華此間巧
而樸縱橫能幾何方塘開亭開萬石堆煙霞岱嵩在掌握用疊
不用排鉤心復闢角陰陽上下分面背東西錯拾階猱上升趨

澗鶴俯啄橋小瘦於藤洞虛哆若橐碎石方纍纍孤峯忽落
當時倪高士殆與鬼工搏平生好畫本慘淡此付託所惜烽火
餘老壁墜殘堊流水未澄清嘉樹太蕭索不然挾琴書妙句向
山玳爲謝門前人幽居養吟魄

酒邊話舊感作

花瘦無人地蟬吟欲暝天池臺能幾處萍水忽今年說夢干戈
外吟詩笳鼓邊姑蘇臺下路衰草總如煙

贈葉臨恭

大莊

臨恭與端之子嗜學有俊才

江南煙水區吳會文章壑輒經喪亂餘頗復傷蕭索葉子方妙
年矯如雲中鶴師資儻自求古人詎不作鍊才先惜氣養精貴

賭棋山莊集

詩八

大

存鏐宅靜若天羈激奮或鬼搏起滅奪煙雲丹續森樓閣肯以
獨秀峯儷彼萬石錯況乃侍簿書過庭皆先覺華國挾其源
眾妙鼓一橐憑弔六朝山寓公當不惡吾衰未足言大業於子
託

謁范文正公祠

秀才頗覺關天下齏粥何妨又一時獨立蒼茫自搔首諸山青
到范公祠

天津

七十二沽水蒼茫任所之蛟鼉擁舟楫虎豹失旌旗海嶠通都
路宵衣左顧時羣公方衮衮未必久和夷

獲鹿道中

登車續殘夢，歷磔亂山旁。
老樹微霜白，平沙曉月黃。
孤燈向遠閣，詩思入蒼茫。
不爲風塵苦，安知道路長。

山行苦寒作

我生本山鄉，饑驅向山國。
素性好山愛，山行茲行崎嶇動心魄。
四山閒寂無人家，亂石礙地恆河沙。
忽高忽低忽左右，鐵輪顛播聲啞啞。
此時苦無容膝法，行立坐卧俱參差。
但見衰草無葉寒，林石花疲驢羸馬。
各負重傾崖，驀澗爭三叉。
勞勞不已安歸耶？霜饕風勁相交加。
況我今年病初起，瘦骨嶙峋亦無幾。
倚裝老母三歔歔，兒今千里與萬里。
客路饑寒兒自理，吁嗟乎回首。

鄉關乃在蒼茫裏，廿金買一裘，千錢買雙履。履穿裘敝，須臾間
血肉之軀甯堪此？我手若被刖，我足不能駛。只餘熱血滿胸中，
激越鬚眉猶自喜。吁嗟乎！平生奔走輕艱辛，第恨無補君與親。
行年卽今將五十，羣負千秋七尺身。車旁似有人嘆息，我與王
孫同乞食。頗蒙漂母哀，庶得鄼侯力。獲鹿南井陘，北終日抱頭。
自懷惻富貴，但憑天地心。功名要潤河山色。

微水邨

淮陰侯置
背水陳處

劍術亦已疎，兵法何曾誦。英雄未遇時，庸碌豈殊衆。吁嗟跨下
人，隱爲楚漢重。見冰自知寒，見刀自知痛。須求萬力齊，勿藉一
夫用。能容李左車，功名誰與共。蕭蕭微水旁，悲風日相送。西北

方苦兵安得此梁棟

固關

兩崖屹如牆振策穿山腹濃靑接車脣叢頑礙馬足逼迫疑失
路庠庠忽有屋直上百丈強遠指千峯伏元氣溼天關厚陰壓
地軸不知乾坤大但見風雲逐舉手叩固關回頭隔獲鹿赳赳
黑衣人翩翩大纛幅由來險要區能爲官吏福商賈默無言車
牛不敢速衆聲何喧阗此時甚鞭扑用巽席少愆出坎各謀宿
新燈挾月行破廬副雲築入門孤鳥吟窺窗老樹禿息勞屢問
枕當餐已忘肉頽然此一宵遠道苦局促

寓齊迫仄撤而廣之戲作

往日浩蕩胸十已去六七出言輒咿嚙讀書只餘隙生此固陋
人真合老蓬華好風吹我來雄心回曩昔雙輪駕空闊萬里獨
抱膝空涌塵土間眼青猶點漆譬彼樹初花鬱闕固可惜平生
不佞佛胡爲學面壁丈夫志天下掃除始一室

偶念吳天章傳青主遺事感作

詩髓誰探第一籌崔祁相遇亦低頭桃花依舊河魚上目斷崑

崑九派流

王漁洋嘗謂吾門詩人極多然得髓者天章也門前九派黃河水萬點桃花尺半魚天章句漁洋極欣賞

賣藥溫書自往還忽逢顧怪一開顏汀茫未起先生倦門外何

人是傅山

亭林狷介絕俗人目爲顧怪至陽曲多寓傅青主衛生堂藥室中一日晚起青主叩門曰汀茫已久先生

尚未起耶亭林不解青主笑曰先生講古音不知古音天音門明音茫耶

書楊鳳巢

熙業

約龕集後

并門霜氣萬家同
搖筆來爲作者雄
故國江山鸚鵡賦
他鄉塵土馬牛風
幾時書劍酬知己
從此文章屬寓公
高唱都饒橫槊意
驅車應過赫連宮

送陳渥川

萼芬

之官阿迷州

寶布蠻靴小隊飛
點蒼山色擁朝暉
馬蹄作響尋新鑿
鶴俸留甘寄綵衣
託興詩添邊塞健
懷清人誦長官稀
書生風骨關中外
回首餘香滿紫薇

望雪

聖主焚香乞歲豐
綠章遙進玉華宮
小臣范叔寒如此
亦復昂

頭矮屋中

酸風冷月徧長空
十萬軍聲鵝鴨中
閒殺退之一枝筆
幾時淮蔡告成功

已驚風鶴滿關中
那更河汾賦大東
半與療饑半防賊
扶持低首乞天公

賭棋山莊集

詩八終

賭棋山莊集

詩九

長樂謝章鋌校如撰

錫三爲題近作依韻答之

飽嘗辛苦尙餘詩萬里江湖獨往時敢以罪言存直道頗因古
意得清期故山小草青無恙滄海孤絃冷未宜莫訝雲龍上下
意平分騷雅共支持

知己黃劉哀怨多都將涕淚付高歌那知斜日涼於水卻訝秋
雲薄似羅大樹何妨留曲幹虛舟甯復慮狂波君看北地煙霞
在跋扈飛揚孰李何

春日鳳巢招同彭心梅

湘

鄧獻臣

琛

飲蘭因仙館作

經吳跨燕遂至此吹我天風七千里不知吹我緣何故使我再
得幾知已使我得見佳人耳彭鏗不飲酒瞪瞪法眼清於水楊
意飲微醉頗有陽秋在皮裏河汾仙吏意氣豪投杯高歌蹶然
起獨我蒼茫百感來肝肺槎枒不可理俯仰人間無一是天涯
共命將奈何此意須問嬋娟子君不見江北水江南旱長安復
苦兵荒田到處無人耕死者既死生者不復生近聞荊州城盜
賊又縱橫烽火還恐過江行東南精華亦已竭不知何術方太
平當歌對酒難爲情晉祠水活繞晉樹春風二月黃金縷但覺
離愁有萬重欲尋青眼知何處罷酒相看無一語手抱桃花夢
龍虎如卿不愧楊太真只我何如傅青主

太真青主晉婦孺
無不知者故及之

嗟乎低頭下氣無奇人文章何用疲精神
老者扶搖直上到黃閣空言筋骨酬
楓宸女者鑄金作屋貯阿嬌未必淪落
非風塵世間萬事如流水丈夫磊落存
其真輪囷肝膽支天地那識旁人喜與
瞋君不見門外紛紛揚塵堞慷慨飛揚
無不可詩詞剛健含婀娜天女散花一
萬朵陽曲之南海子左金棟玉梁忘坎
壻同爲寓公忽有我

晉祠

離城五十里息駕襄山麓入門拂塵土
開曠爽心目回環雙澗間一水活衆綠
垂柳疎自搖遊魚行相逐碎石養空青
森此萬葉玉側耳赴清泠卻坐媚幽獨
岑亭俯列壑豐碑猶可讀竊嘆

秦漢來溝洫無由復旱澇少所資天倉仰漕粟民窮競逐未多

算心計酷鹵莽及田園枯槁任草木此水獨浩浩灌溉河汾足

三七分北南冬夏變寒燠

祠有楹帖首云溉汾西千頃田三分南七分北出鰲山一片石冷於夏溫

於冬信能補天功詎止酒味馥縱步下危橋金人何肅肅摩挲肩

背旁宋明字相續鐵石有壞時感慨光陰促應憐七尺軀樹立

苦不速回首太行山流雲晉陽曲誰灑難老泉潤澤到窮谷

汾州道中

笥輿坐東風終朝飲寒綠曠然得所怡神清不用沐山平遠勢
多樹新春光簇漈漈活水來曉田方叱犢人語時一聞雞聲遙
相續回望白板扉恍見故鄉屋側聞百里間歲豐魚米足爲問

道旁者風塵何僕僕且讀神農書一宅此可卜

海澄刀歌爲獻臣作

有引

此海澄黃忠恪王父子之刀也忠恪本鄭氏舊將歸誠本朝後爲鄭氏所圍死守漳州力竭投井殉焉此刀蓋當時軍裝之一也

鄧侯示我海澄刀鋸利尙可吹毫毛出手二尺風蕭騷蛟龍跋扈飛驚濤海澄亦是錚錚鐵棄暗投明矢忠節殿下陡看異姓王軍門自號萬人傑鑄刀慷慨防刀折百九十號刀之列中夜刀邊人嗚咽一等功名全家血鹿耳門前建大旗江東橋下流浮屍草雞長耳

鄭氏初興有此識語

猶旺氣抱刀痛哭森鬚眉是時汀泉

方多事救兵千里來無期橫刀窺井井有天一死終爲男子奇

受恩不報臣何敢刀頭骨肉同心慘赤董屢燒鷓鴣膏紅毛遙

破長鯨膽

臺灣本紅毛地鄭氏未入之先有人見一錦衣神騎長鯨進鹿耳門數日鄭氏遂至焉

吁嗟乎

用刀人當比刀強一刀可斃千豺狼近來刀光何黯淡劍摧矢

絕悲故鄉

甲子長毛破漳州

鄧侯壯志在封疆英姿應與公相將手挽

此刀障八方料敵雖非施靖逆

鄭氏後爲施襄壯烺所破

濟時何愧洪文襄

公與洪文襄承疇並名

汾陽雜詩

忽覺清明野祭哀况當修禊踏塵埃行人看盡青青柳三月三

朝禁火臺

今年清明是上巳前一日是日之澤州禁火臺在汾陽縣南一里誌云土人清明前一日祭介之推於此

千載論交意氣真同舟共濟幾傳人辦香忽憶天甯寺冒雨來

尋折角巾

予弱冠曾作東漢十友記郭林宗其一也
林宗舊宅在東郭誌云卽今之天甯寺

黯黯寒窗又夕陽鄉心入夜倍蒼茫開鑪多買乾和酒爛醉當

時甘露堂

汾酒素有名宋張能臣酒名記有汾州甘露
堂志又引宋伯仁酒小史汾州有乾和酒

武襄不附梁公後獨立功名意若何知否前人惡奔競兔園冊

子廟門多

狄武襄祠書賈居焉所
常多場屋揣摩陋本

鄉樂村早行

曉徑集人聲春田課早耕草齊橋影直沙軟岸稜傾近水山增

色留雲樹有情汾州門外路拈句記初程

數峯新脣沐微雨溼春煙薄醉羊羔酒來聽鸞鶯泉祓除舊塵

賭棋山莊集詩九

土惆悵此山川欲語衡門者勿忘蘭芷篇

子洪驛

宛轉行向山奮如蛇趨竇將近忽復遠颺如鳥離殼軒然大風
來山意亦良厚有似迎嘉賓先期掃塵垢老樹交新柯相對離
顏瘦不知幾時花養此春光透佛宇壓岩堯泉石補罅漏雖嫌
金碧多尙幸丹青湊平生一枝筆頗入名山轂勇思厚軸翻巧
冀圓靈扣茲行傍太行忍使煙霞話恨無天人語一秀洗眾陋
鱗鱗澗底波清極誰吹皺錯錯壁上苔化工從何繡問山山不
言微吟聞羽轂閉門息詩夢一燈悄於豆

山行聞泉聲

我昔登霍童倏逢秋漲發坤靈一放手亂滾堯年雪歸來坐石
鼓恍入笙鏞窟神龍長不眠弄珠何飄忽自從向西北見山病
消渴心頭頑礦多眼底靈源闕今日洗耳來塵襟盡開豁一水
環山根山水相向活碎石森左右怒沙驚噴激微恨涓滴中未
遂波瀾闊儻使千丈亭應訝萬灘割維時天宇清老樹綠一抹
筍輿蹋淨境六根競解脫寄語山中人幸勿厭繁聒寶此功德
泉朝夕洗華髮

沁州至魏家坡

自從沁州來頑山何莽蒼尙少碎石撐那得靈源響屹然或負
牆畢如乃成壙出沒牛馬間貴賤同擾攘驕陽墜地紅濃熱迫

綿纈胸臆匝炎歊躍躍金在礦況復狂風多努力吹塵坱入簾
遽紛集耳目無一爽相顧各貽愕黃眉雜黔掌失笑女媧時搏
土形可想連日選勝境稱意無三兩今朝忽到此羣情交愴怏
我僕騎瘦駒畏眩面不仰輿夫亦憔悴登降殊勉強而我顏其
間勞逸尙霄壤手足寄他人甯云非安享方愧胞與懷奚暇恣
幽賞安得長途縮更兼惠風貺一晌與清涼煩襟滌鞵鞅何必
山清奇方令心開曠

高平道中

萬馬窺邊日英雄百戰間三臺通濁水兩戒割諸山新舊長平
鬼安危天井關至今問遺鏃猶見土花斑

刀劍雄諸鎮旌旗擁巨城山川餘虜氣風雨盡邊聲直到金元日猶傳澤潞兵罪言杜書記辛苦濟時情

澤州試院古松歌和錫三

并州童山少嘉樹火傘當空遮不住入門長嘯清風來怪龍突

兀橫煙霧我聞此松昔三株

見王西樵詩

大者瘦衲小臞儒黯黯同

根忽已盡亭亭獨立難爲徒奇材得一亦自足刮目相看甯非

福夢魂如在萬山巔徹夜濤聲壓矮屋松旁盤礴談風騷汪

灝

王

士祿

吟興青天高淋漓大筆還餘幾對君憔悴思人豪文采風

流半銷歇且餌茯苓養毛骨接葉誰鋪上黨雲開花空照太行

月故鄉又想鄭鷓鴣遺書拋散千明珠

堂有聽濤軒額吾鄉鄭雲門際唐視學時所書

雲門遺集子家壁窠三字何磊落當時桃李傍松趨松乎得天
有之未刻本也良獨厚鈴閣慈龍絕塵垢梁棟自培元氣中文章應鍊冰霜後
古槐壘砌亦何有老檜嵯岈自嫌醜掉頭都向牆外走相望風
雲汝知否努力人間爭不朽異時應嘆支離叟

讀澤州志感作

四十萬人成一軍堅壁不出當其衝致死何畏武安君吁嗟乎
廉藺交情原刎頸是時適值相如病平原綽有國士風臨敵易
將何懜懜天心亡趙挽不得頭顱如山全軍黑豚犬之兒甯足
責阮兵不已復阮儒咸陽一炬秦亦無殺人終當殺其軀白起
首禍甯非愚眾人都被黃金使黃金多處虛名起趙奢之言猶

在耳括也讀書竟如此君不見趙君不知臣趙母乃知子

負耒橫經分兩途田間鹵莽無真儒生平不識犁與鋤高談俗
學張衿裾吁嗟乎黍爲律禾爲書神農亦是耕田夫後人百計
參未透古人出之以緒餘古者何智今何愚應時文字壞若此
何況蒼茫說經史羊頭之山高嶷嶷輝煌廟倚山中起神農錫
福或未已聰明入心心不死頂禮青雲應千里君不見前檐滴
高平後檐滴長子

看山爭一墩終身不識崑崙尊拙學無淵源哀哉老死三家村
吁嗟乎東軒父子有高致浩歌自寫平生志讀書不爲名選官
不爲利落薄肯傍富兒門百世不祧此文字一傳元裕之再傳

郝伯常抗雲浴日由濫觴野史亭邊一瓣香黃口少年穿白袷
騰拏未睹蛟龍匣霜風過處驚顏甲脫手彈丸原可狎萬點飛
花向頭插祕訣傳君此一霎君不見無意而皆意不法而皆法
王氣所在神靈鍾萬物隨之爲窮通古人矜貴今人賤盈虧消
長皆天功吁嗟乎上黨人蔑甲天下起死回生真無價唐制一
百兩宋制一千觔道旁見者都驚詫錦題銀檢護杈極驛門黃
袂桃花馬卽今淡薄非還丹瑤光改照長白山草木亦知媚
天子從龍攀鳳隨其間後來居上誰視汝石勒園前泣風雨
乃知人生貴得時可惜生今不生古碌碌相看噲等伍君不見
欲買赭竈下尙有土欲買釵山中自有樁

得續兒入學信寄示

憶昔生汝初重闢顧我喜謂我頗出羣當得象賢子我跪受此
言懷慙未能起仰承忠厚傳負荷力自矢厥後十餘年淒淒隔
生死顛倒謀一餐飄零向千里歸來問素業訾汝忘汝美恐戚
先人心忍痛與鞭笞汝母時在旁相諒知我旨作色待汝來譏
訶亦弗止嗚乎迫切情甯必望青紫誠慮世德門或爲旁觀鄙
一衿何足言努力敦素履祖武豈易繩位置安敢擬先曾祖先
父俱以第
七人入學兒
今名次如之旣入儒者林應知丈夫理斂氣廓有容策身嚴用
恥不見羅念菴大魁愧未已明羅念菴大魁後見賀者恒愧久
之曰丈夫有多少事在一第耳何
賀器小乃易盈始通終且否故人林錫與張桂平生託知己作

書兼惠詩慰藉兩無比詩中千婉轉期望培蘭芷一緘遙寄將
汝當提其耳讀書十四世留貽今到爾盟此方寸衷報答九泉
裏

將發澤州作

隔河雲樹控蒼茫大將牙旗十丈長雨後青燐圍殺谷

在長平風

前殘戟話輸場

周世宗敗劉崇處在高平

時危真覺功名易地險還驚生死

忙寄語防秋移帳日常關安穩塞羊腸

山川猶拱草堂靈騷雅曾傳午壁亭

陳文貞廷敬別業

白澗昏昏元鶴

睡青蘿冉冉古琴停題詩遠寄空人日把酒孤吟有客星寂寞

鮑家墳上鬼侯芭辛苦寫遺經

文貞午亭文編爲吾鄉林吉人中翰所書

路見團防兵感作

舊冬無雪今春無雨中田枯槁禾與黍老農揮鋤日卓午赤汗
不能潤黃土軍門鼙鼙畫搥鼓健兒聞之身手舞今日投名應
官府明日斗粟回家忘辛苦隔河盜賊猶無覩農爲兵之資兵
爲農之蠹比戶應嗟筋骨疲出門何處頭顱賭兵乎得意誰與
伍保國保家真恃汝扞汝刀邊之門戶蔽汝劍頭之田圃業業
山川幽且阻但祈旱地少螟螣莫令荒年添豺虎

題獻臣機聲燈影圖

吁嗟乎殘燈冉冉不能明停機寂寂無餘聲畫師慘澹有真意
解繪人間孤苦情焚黃騎馬應官去悲風肅肅墓門樹卻望白

雲知何處開圖自寫傷心句機邊燈邊向誰語但見血淚飛無
數鄧侯鄧侯休斷魂我且爲君進一言願汝能爲洪稚存稚存
亦有此圖在慈孝蒸爲詩禮門奏記三府思叩闔天山首領銜
天恩久要不忘夙所敦素車載轉萬里奔事君交友古誼尊
回首母訓淑且溫是母是子至今嶽嶽猶乾坤吁嗟乎一機絲
織縑復織素一燈光照今復照古至甘由來出至苦昔日零丁
幼孤兒今日堂皇大官府一片淒涼報母心衙齋五夜鼕鼕鼓
閱長治縣志偶得鮑明遠謝茂秦二律

齊梁綺靡眞無取椽筆參軍健有餘姓字枉居開府後歌行直
啓謫仙初微言託諷燕城賦刻意求工寄妹書南北東西看流

水高才末路果何如

曾將縵縷啓冠裳誰奉南豐一瓣香
割席何妨空七子傳燈不意到諸王
才人隻眼文章在熱路虛聲泡電忙
今日雲泥俱盡後名家還覺布衣強

春盡日口占

又到春歸日春歸人未歸
定知千萬里寂寞共斜暉
有酒不能醉無花安得飛
怕看雙燕子背面坐柴扉

鮑店

鮑姑艾病可止鮑妹詩才無比
鮑氏信多奇女子鹿車共挽謝羅綺
少君家法何其美不學鮑家人
應愧鮑墳鬼女郎蓬頭曳

破履平視行人坐不起兒家住近鮑店裏

三垂岡

上黨河東之藩蔽苟無上黨無河東生子當如李亞子跋扈何
畏朱全忠間道出不意呼聲動天地將士尙鼾睡夾寨已破矣
克用不亡乃如是三垂岡上天無光三垂岡下聞酒香二十年
後兒果破梁負矢入廟告我先王朱溫聞之意惻惻豚犬之兒
甯知得亞子遠過孫仲謀而翁不如曹孟德

步韻答鳳巢

草廬梁甫幾低吟忍向神州話陸沉老樹當風空作響濃雲不
雨只成陰久憐肝膽裏中劍無數文章爨下琴上黨由來征戰

地英雄鬻子各登臨

雞啼曲

買笑一千金買啼一萬金笑時知妾態啼時知妾心妾心究在
郎心裏不願郎愁願郎喜風淒淒月低低五更盡汝南雞雞啼
有聲何啜啜妾啼無聲郎不覺

末二語
本芭川

國士橋

豫讓雖殺身後人尙指責只合死中行不合死智伯從一不終
大義乖改嫁守貞非赫赫似聞柱厲叔歸報莒敖公

二句王漁
洋國士橋

之詩漁洋騎馬題詩處蓬蒿慘淡生悲風吁嗟乎戰國君臣遜朋

友反顏事讎無不有漆身吞炭尙爾爲斯人終當與不朽君不

見君之視臣如犬馬則臣視君如國人舊君不必皆有服國士之論何足賸

招同人集小五臺禪院心梅有詩賦此答之

論文纔滌筆合志與題襟新雨名山色斜陽過客心陰多消薄暑鳥囀助幽吟翦燭高齋者應知竹箭林

西齋話別圖爲鳳巢題

城頭一角晉陽山千里驅車下固關留得西齋好明月寫君清影在中間

寄獻臣

攔筆衙齋擁短茵青山繞郭拱吟身每於細雨沉酣夜忽憶悲

歌慷慨人萬古幽香佩蘭芷當時魯酒話風塵宰官說法旁觀
泣孤苦平生血性真

錫三之弟石樵

天熙

以詩贈別賦答

客歲駕扁舟秋風我先發滬瀆忽相逢征馬同一秣忝附葭莩
親數年缺請謁自覺禮數乖曲恕鑒灑脫依倚逐夔蛇殷勤省
饑渴想體哲昆情青眼與賅括平生畏瑣屑萬事甚迂闊代勞
車馬間頓令心目豁竭來共隨輶高歌時攬髮一飲晉祠泉十
度上黨月有句許攻瑕撫謙託嘘沫多言未必中盛氣不能遏
我慙玉德溫君許金篦刮擴此下問心所就當宏達努力學元
方此座誰敢奪驪駒已在門附益無毫末勉傳荀氏經愧結王

生襪

清風店紀聞

一百賊騎馬來一千兵持刀去賊一百誠可慮兵一千不足懼

清風店忽相遇兵見賊走無路

解一

紅如脂副將首黑如漆都司

手搏肉投虎供一齧自申開仗不及酉張口聊作數聲吼委而

去之且飲我酒鬼伯前行官後走

解二

固關有遊擊傳聞頗英勇

來偵探遭一閤上天天無門鑽地地無孔冤死鬼猶懵懂積骸

疊骨爲君塚

解三

上官曰撫之是此區區不足治諸君請勦誠誤

矣爲語我兵我將兵凶戰危非我利脅從之徒宜留餘地餘地

旣多賊無顧忌

解四

安肅

攬轡登車肝膽麤竟從燕市訪屠沽平原曠處風雲健秋氣深
時草木孤遠堠猶明烽火勢流民誰繪監門圖當筵忽憶黃芽
菜祝汝長生此奧區

謁顧先生祠

亭林古逸民著書何沉痛飽看十三朝斜陽把酒送頗講後王
師詎恤平生空空桑偶一宿几筵此暫供睠懷節母言傷心明
廷貢回首昌平山謁陵凡幾夢飄零謝鄉里首邱誰忍諷舊時
諸親串繁華強逃縫儒林文苑間位置聊從衆石州侍香火應
知潛龍用嗟彼閭微君博洽不足共

平定張石州穆主附祀夾
室石州著顧閭兩年譜以

明向往之意第願之志
節學術似非閭所可比

謝文節祠

翫然醉飽地何以妥神靈

宴會者率在此地

江水猶餘碧西山肯共青

平生惟一硯風雨此孤星莫向橋亭去啼鵲不忍聽

雪後過看山樓

蕭蕭聞折竹雪意夢中領晨興買遊轡浩蕩得所逞風峭馬足

踏林陰鳥聲冷遠堞帶煙橫孤亭抱雲暝攝衣騁虛懷一白接

萬頃西山如靜女薄睡猶未醒彷彿雙髻鬢隔幔漏清影諒有

慧眼人寄心翠微頂骨重情自多神寒熱易警皓月儻已圓

十時

四
日疎星甯獨炯無住乃得住相思在淨境

清氣塞戶牖俗軌何足辱自非冰玉姿辜負乾坤肅倚闌發高
嘯追雲恣遠目瘦葉墜孤紅平疇無餘綠外瘁內愈腴鬱悶生
機足厚積以待時勃興如轉轂陰陽得弛張明年少窮屋吾體
天心仁敢謂嚴寒酷繚白炊煙低赴暝歸鴉速青鞵蹋淨土斂
步不忍蹴嗟嗟挈榼徒彼方謀酒肉誰歌陽春篇睠懷谷音續

賭棋山莊集

詩九終